

Sic ait: & subito pharetraq; arcuq; relictis,
 Aëreum indutus corpus (mirabile dictu)
 Callidus affectans formosam hinc inde puellam,
 Observat tacitus furtim: tandemq; repertis
 Sese oculis infert, claroque in lumine condit.
 Hanc igitur casu, vitreo tum fonte lauantem,
 Nescio quid meditans sublimi David ab arce
 Conspexit, vir nec cuiquam pietate secundus,
 Nec quoquam inferior vates, seu fundere dulce
 Ore melos, digitis seu tangere plectra iuuaret.
 Quid non audet Amor? regis doctique piique
 Protinus excusso violavit lumina telo:
 At pavidus tanto caligat lumine David.
 Ecce irrumpit Amor dominus, sparsisq; veneno
 Sensibus, humenti mox calfacit ossa calore,
 Atque imo tandem infligit sub pectore vulnus:
 Mens quoq; victa labat, flāmisq; oppressa fatiscit.
 Ipse sui oblitus cacas sub pectore flammās
 David alit, nec iam studijs incumbit honestis,
 Nec sibi iam quarit sese quibus artibus ipse
 Afferat: hoc unum noctuq; diuq; labore
 Sollicitus voluit magno, qua callidus arte
 Efficiat forma ut tandem potiatur amata.
 Quid faciat? blandis adiungit munera dictis.
 Paret Bersabe: tumido sic addita ventri
 Sarcina, sed nondum David sua gaudia credit
 Plena satis: res ipsa placet, crimenque probatur:
 At